

Na osnovu člana 27. i 38. Zakona o ustanovama („Sl.list R BiH“ broj: 6/92, 8/93 i 13/94), člana 31. stav 1. alineja f Pravila JU Sarajevska filharmonija br. 19/07/O/08 od 11.07.2008. godine, Upravni odbor JU Sarajevska filharmonija na sjednici održanoj 24.06.2011. godine donio je

PRAVILNIK O NAKNADI ZA KORIŠTENJE PRIVATNIH INSTRUMENATA

Član 1.

Pravilnikom o naknadi za korištenje privatnih instrumenata (u daljem tekstu: Pravilnik) utvrđuje se visina naknade za korištenje privatnih instrumenata od strane uposlenika – članova orkestra Sarajevske filharmonije.

Član 2.

Za radna mjesta u orkestru za koje Sarajevska filharmonija ne posjeduje vlastite instrumente, uposlenik – član Orkestra je dužan za izvršenje svojih radnih obaveza osigurati instrument, za šta je Sarajevska filharmonija obavezna isplatiti novčanu naknadu.

Član 3.

Mjesečna naknada za korištenje privatnih instrumenata iznosi netto 60,00 KM (slovima: šeststotina KM). Naknada se isplaćuje polugodišnje na kraju razdoblja a putem ugovora o iznajmljivanju opreme koji će se potpisivati sa svakim uposlenikom pojedinačno.

Član 4.

Za vrijeme godišnjeg odmora, kao i za mjesec u kojima Sarajevska filharmonija nema predviđenih projekata, uposleniku – članu orkestra ne pripada naknada za korištenje privatnog instrumenta.

Za vrijeme odsustva sa radnog mjesta, u trajanju dužem od 30 dana (bolovanje, usavršavanje i sl.) uposleniku – članu orkestra ne pripada naknada.

Član 5.

Uposleniku – članu orkestra naknada pripada isključivo za instrument koji koristi na svom radnom mjestu.

Član 6.


Izmjene i dopune ovog Pravilnika vrše se na način i po postupku njegovog donošenja.

Član 7.

Ovaj Pravilnik stupa na snagu danom njegovog donošenja od strane Upravnog odbora JU Sarajevska filharmonija.

Broj: 07/06/10/11
Datum: 24.06.2011.

Predsjednik Upravnog odbora
Suad Selimović



JA